

ხელშეკრულების მნიშვნელოვანი პირობები

საბავშვო დეპოზიტის ხელშეკრულება #

(თარიღი) -----

დეპოზიტის საპროცენტო განაკვეთი

- ✓ დეპოზიტის საპროცენტო განაკვეთი პირველი ორი წლის განმავლობაში წლიური ---
- ხოლო ამ ვადის გასვლის შემდეგ თითოეული მომდევნო ერთწლიანი პერიოდის განმავლობაში დეპოზიტს დაერიცხება აღნიშნული პერიოდის პირველ დღეს საბავშვო დეპოზიტზე ბანკში მოქმედი საპროცენტო სარგებელი.
- ✓ დეპოზიტის წლიური ეფექტური საპროცენტო განაკვეთი _____
სხვა სახელშეკრულებო ინფორმაცია
- ✓ დეპოზიტის პირველადი შენატანის ოდენობა და ვალუტა _____
- ✓ დეპოზიტის ვადა _____, დეპოზიტის პირველი ვადის ამოწურვისას, თუ დეპოზიტის მოქმედების ვადის გასვლამდე 31 კალენდარული დღით ადრე დეპოზიტორს/წარმომადგენელი არ მიმართავს ბანკს, რომ აღარ სურს დეპოზიტის განახლება, წინამდებარე ხელშეკრულება ავტომატურად გრძელდება (განახლება) იმავე ვადით და პირობებით. ეს წესი გამოიყენება დეპოზიტის ვადის ყოველი ამოწურვისას, განახლება შეიძლება განხორციელდეს მხოლოდ დეპოზიტის სრულწლოვანების მიღწევამდე¹.
- ✓ თუ დეპოზიტორს/წარმომადგენელს თანხა გააქვს ვადაზე ადრე დეპოზიტის მოქმედების პირველი ვადის დასრულებამდე, საკომისიოს გარეშე დეპოზიტის განაღდებას (გატანას) შეძლებს მხოლოდ შესაბამისი საბანკო (საგადახდო) ბარათით, რომლის დამზადების ღირებულება შეადგენს 10 ლარს.
- ✓ დეპოზიტის ვადაზე ადრე გატანის შემთხვევაში, დეპოზიტს დაერიცხება სრული საპროცენტო განაკვეთი ყოველ სრულ წელზე, ხოლო არასრულ წელზე წლიური _%.
- ✓ თუ დეპოზიტის საპროცენტო განაკვეთი ბანკის მიერ იცვლება, ბანკი ერთი თვით ადრე ატყობინებს დეპოზიტორს/წარმომადგენელს. ბანკის მიერ დეპოზიტორს/წარმომადგენელს შეტყობინება ეგზავნება მოკლე ტექსტური შეტყობინების (SMS) სახით ან ელექტრონული ფოსტის ან ინტერნეტ ბანკის ან მობაილ ბანკის მეშვეობით².

თქვენი დეპოზიტი დაზღვეულია „დეპოზიტების დაზღვევის სისტემის შესახებ“ საქართველოს კანონის საფუძველზე შექმნილ დეპოზიტების დაზღვევის სისტემის ფარგლებში.

ბანკის წინაშე არსებული პრეტენზიები დეპოზიტორმა/წარმომადგენელმა შეიძლება წარადგინოს ზეპირად ან წერილობით ბანკის ნებისმიერ გაყიდვის წერტილში ან ელექტრონული ფოსტის მეშვეობით შემდეგ მისამართზე: info@vtb.ge
უცხოური ვალუტით განთავსებული დეპოზიტი მომხმარებელს მნიშვნელოვანი რისკის წინაშე აყენებს!³

¹ იბეჭდება იმ შემთხვევაში, თუ დეპოზიტორს ავტომატური განახლება სურს დეპოზიტის გახსნისთანავე.

² იბეჭდება იმ შემთხვევაში, თუ დეპოზიტორს ავტომატური განახლება სურს დეპოზიტის გახსნისთანავე

³ იბეჭდება იმ შემთხვევაში, თუ დეპოზიტი გახსნილია უცხოურ ვალუტაში

ვალუტის კურსის ცვლილებამ შესაძლოა ლარით გამოხატული სარგებელი მნიშვნელოვნად შეამციროს⁴

ლარის შესაძლო 15 % იანი წლიური გამყარების შემთხვევაში გაანგარიშებული დეპოზიტის ეფექტური საპროცენტო განაკვეთი _____⁵

გაეცანით მომხმარებელთათვის სასარგებლო ინფორმაციას საქართველოს ეროვნული ბანკის ვებ გვერდსა www.nbg.ge/cp და ცხელ აზზე +995 (32) 2406 406

საბავშვო დეპოზიტის ხელშეკრულება N

ქ. _____

“-----“ ----- 200--- წ.

სს „ვითიბი ბანკ ჯორჯიას“ ----- (შემდგომ -ბანკი) მისი -----
----- სახით, ერთის მხრივ, და ფიზიკური პირის -----
(შემდგომ „დეპოზიტორი“) კანონიერი წარმომადგენელი ----- (შემდგომ -
წარმომადგენელი), მეორეს მხრივ, ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. წარმომადგენელს შეაქვს ბანკში თანხა N ----- სადეპოზიტო ანგარიშზე, ბანკი მოიპოვებს მასზე საკუთრების უფლებას და ხელშეკრულებით გათვალისწინებული პირობებით უბრუნებს დეპოზიტორს.
- 1.2. წინამდებარე ხელშეკრულების თავსართი (ხელშეკრულების მნიშვნელოვანი პირობები) წარმოადგენს ხელშეკრულების განუყოფელ ნაწილს.

2. ხელშეკრულების პირობები

- 2.1 დეპოზიტზე პირველადი თანხის შეტანა ხდება ხელშეკრულების ხელმოწერისთანავე.
- 2.2 დეპოზიტის პირველადი შენატანის ოდენობის და ვალუტა _____ აღნიშნული თანხა, წინამდებარე ხელშეკრულების ხელმოწერისთანავე, ბანკის მიერ ჩამოიჭრება – _____⁶ ანგარიშიდან და ჩაირიცხება 1.1 პუნქტში მითითებულ სადეპოზიტო ანგარიშზე.
- 2.3 დეპოზიტის ვადა _____ . .
- 2.4 დეპოზიტის საპროცენტო განაკვეთი პირველი ორი წლის განმავლობაში წლიური _____ , ხოლო ამ ვადის გასვლის შემდეგ, თითოეული მომდევნო ერთწლიანი პერიოდის განმავლობაში დაერიცხება აღნიშნული პერიოდის პირველ დღეს საბავშვო დეპოზიტზე ბანკში მოქმედი საპროცენტო განაკვეთი⁷
- 2.5 დეპოზიტის ეფექტური საპროცენტო განაკვეთი _____
- 2.6 დეპოზიტის ლარში განთავსების შემთხვევაში წლიური საპროცენტო განაკვეთი _____⁸

⁴ იბეჭდება იმ შემთხვევაში, თუ დეპოზიტი გახსნილია უცხოურ ვალუტაში

⁵ იბეჭდება იმ შემთხვევაში, თუ დეპოზიტი გახსნილია უცხოურ ვალუტაში

⁶ ეთითება „მიმდინარე“ ან „საბარათე“ იმის და მიხედვით თუ რომელს აირჩევს კლიენტი

⁷ იბეჭდება იმ შემთხვევაში, თუ დეპოზიტის ვადა ორ წელზე მეტია

⁸ იბეჭდება იმ შემთხვევაში თუ დეპოზიტი გახსნილია უცხოურ ვალუტაში

- 2.7 ლარის შესაძლო 15 % იანი წლიური გამყარების შემთხვევაში განგარიშებული დეპოზიტის ეფექტური საპროცენტო განაკვეთია _____⁹
- 2.8 დეპოზიტის ვადაზე ადრე გატანის შემთხვევაში, დეპოზიტს დაერიცხება სრული საპროცენტო განაკვეთი ყოველ სრულ წელზე, ხოლო არასრულ წელზე წლიური _____ %.
- 2.9 სადეპოზიტო ანგარიშზე დამატებითი შენატანების განხორციელება შეუძლია ნებისმიერ პირს, ხოლო დეპოზიტორის 16 წლის ასაკის მიღწევიდან თვით დეპოზიტორსაც, დეპოზიტორის მიმდინარე ანგარიშის მეშვეობით.
- 2.10 დეპოზიტიდან თანხის ნაწილობრივი გატანა დაუშვებელია.
- 2.11 დეპოზიტზე პროცენტის დარიცხვა ხდება ყოველწლიურად. დარიცხული საპროცენტო სარგებლის გატანა არ ხდება და ამ თანხით იზრდება დეპოზიტის თანხა.
- 2.12 ბანკი, შესაბამისი საკანონმდებლო მოთხოვნის არსებობის შემთხვევაში, დაუკავებს დეპოზიტორს საშემოსავლო გადასახადს საპროცენტო სარგებლიდან.
- 2.13 დეპოზიტის ვადის გასვლისას ან დეპოზიტის ვადაზე ადრე გატანისას, დეპოზიტის თანხა და მასზე დარიცხული პროცენტი გადაიტანება:
- 2.13.1 დეპოზიტორის 16 წლის ასაკის მიღწევამდე წარმომადგენლის მიმდინარე ანგარიშზე.
- 2.13.2 დეპოზიტორის 16 წლის ასაკის მიღწევიდან - დეპოზიტორის მიმდინარე ანგარიშზე (გარდა იმ შემთხვევისა, თუ დეპოზიტორზე დაწესებულია მეურვეობა).
- 2.14 თუ დეპოზიტორის წარმომადგენელს/დეპოზიტორს თანხა გააქვს ვადაზე ადრე დეპოზიტის მოქმედების პირველი ვადის დასრულებამდე, დეპოზიტის საკომისიოს გარეშე განაღდებას (გატანას) შეძლებს მხოლოდ შესაბამისი საბანკო (საგადახდო) ბარათით, რომლის დამზადების ღირებულება შეადგენს 10 ლარს.
- 2.15 დეპოზიტორის 16 წლის ასაკის მიღწევამდე, დეპოზიტის ვადაზე ადრე გატანისას საჭიროა დეპოზიტორის ორივე მშობლის, ან შესაბამისი კანონიერი წარმომადგენლის თანხმობა.
- 2.16 ყველგან, სადაც პროცენტის ოდენობა ან/და მხარეთა უფლება - მოვალეობები დაკავშირებულია დეპოზიტის ვადასთან, იგულისხმება კონკრეტული ვადები [დეპოზიტის გახსნის/განახლების თარიღიდან უახლოესი ვადის დასრულების თარიღამდე] და არა სავარაუდო ან უკვე განხორციელებული განახლების საერთო ვადა/ვადები.

3. დეპოზიტორის უფლება-მოვალეობები

- 3.1. დეპოზიტორი/წარმომადგენელი ვალდებულია დეპოზიტის ვადაზე ადრე გატანის სურვილის შემთხვევაში, 31 კალენდარული დღით ადრე მიმართოს ბანკს.
- 3.2. **დეპოზიტორი/წარმომადგენელი უფლებამოსილია:**
- 3.2.1. გაიტანოს დეპოზიტი ვადის დადგომისას ან ვადაზე ადრე.
- 3.2.2. წარადგინოს ბანკის ქსელის განვითარებისა და ადმინისტრირების განყოფილების პროცესებისა და მომსახურების ხარისხის მონიტორინგის ჯგუფთან პრეტენზიები თავსართში მითითებული ფორმებით.
- 3.2.3. გაეცნოს პრეტენზიების განხილვის პროცედურას ბანკის ოფიციალურ ვებ გვერდზე: www.vtb.ge

4. ბანკის ვალდებულებები

- 4.1. **ბანკი ვალდებულია:**
- 4.1.1. მიიღოს დეპოზიტი ხელშეკრულებით გათვალისწინებული პირობებით.

⁹ იბეჭდება იმ შემთხვევაში თუ დეპოზიტი გახსნილია უცხოურ ვალუტაში
ბანკი

- 4.1.2. დაარცხოს დეპოზიტს საპროცენტო სარგებელი ყოველ შესრულებულ წელზე.
- 4.1.3. დააბრუნოს დეპოზიტი და დარიცხული საპროცენტო სარგებელი იმავე ვალუტით.
- 4.1.4. დაიცვას საბანკო საიდუმლოება, არ გასცეს მესამე პირზე კონფიდენციალური ინფორმაცია, გარდა საქართველოს კანონმდებლობით გათვალისწინებული შემთხვევებისა.
- 4.1.5. დეპოზიტორს/წარმომადგენელს პრეტენზიაზე პასუხი გასცეს იგივე ფორმით პრეტენზიის მიღებიდან ერთი თვის განმავლობაში.
- 4.2 ბანკი უფლებამოსილია დეპოზიტორთან დაკავშირებული ნებისმიერი ინფორმაცია/დოკუმენტი მიაწოდოს გარე აუდიტორს, რომელიც ბანკს უწევს პროფესიულ მომსახურებას.

5. განსაკუთრებული პირობები¹⁰

- 5.1. თუ დეპოზიტის მოქმედების ვადის გასვლამდე 31 კალენდარული დღით ადრე დეპოზიტორი/წარმომადგენელი წერილობით არ მიმართავს ბანკს, რომ აღარ სურს დეპოზიტის განახლება, წინამდებარე ხელშეკრულება ავტომატურად გრძელდება (განახლება) იმავე ვადით და პირობებით. ეს წესი გამოიყენება დეპოზიტის ვადის ყოველი ამოწურვისას, განახლება შეიძლება განხორციელდეს მხოლოდ დეპოზიტორის სრულწლოვანების მიღწევამდე.
- 5.2. თუ ხელშეკრულების 2.4 პუნქტში მითითებული საპროცენტო განაკვეთი ბანკის მიერ იცვლება, ამის შესახებ, შეცვლილი საპროცენტო განაკვეთის მითითებით, ბანკი ერთი თვით ადრე აცხადებს დეპოზიტორს/წარმომადგენელს.
- 5.3. თუ ხელშეკრულების 5.2 პუნქტით განსაზღვრული შეტყობინებიდან ხელშეკრულების მოქმედების ვადის გასვლამდე დეპოზიტორი/წარმომადგენელი არ განაცხადებს უარს განახლებაზე, ხელშეკრულება გაგრძელდება იგივე პირობებით/ვადით და შეცვლილი საპროცენტო განაკვეთით.
- 5.4. ბანკის მიერ დეპოზიტორს/წარმომადგენელს შეტყობინება ეგზავნება მოკლე ტექსტური შეტყობინების (SMS) სახით ან ელექტრონული ფოსტის ან ინტერნეტ ბანკის ან მობაილ ბანკის მეშვეობით, თუ დეპოზიტორი/წარმომადგენელი შეცვლის მითითებულ ტელეფონის ნომერს ან ელექტრონული ფოსტის მისამართს და ამის შესახებ არ აცნობებს ბანკს, ეს უკანაკნელი ხელმძღვანელობს მისთვის ცნობილი რეკვიზიტებით და მათზე შეტყობინების გაგზავნა ითვლება დეპოზიტორის მიერ ინფორმაციის მიღებად.
- 5.5. თუ ხელშეკრულების 2.4 პუნქტში მითითებული საპროცენტო განაკვეთი იზრდება, ბანკი თავისუფლდება შეტყობინების ვალდებულებისაგან.
- 5.6. ბანკი უფლებამოსილია ცალმხრივად განაცხადოს უარი პროლონგაციაზე.

6. დეპოზიტის დაზღვევის შესახებ

- 6.1. 2018 წლის 1 იანვრიდან, დეპოზიტების დაზღვევის სისტემის შესახებ კანონის თანახმად, ყველა ფიზიკური პირის დეპოზიტზე/ანგარიშზე არსებული თანხა, დეპოზიტების/ანგარიშების რაოდენობის მიუხედავად, თითოეულ კომერციულ ბანკში დაზღვეულია და დეპოზიტების დაზღვევის სააგენტოს მიერ ანაზღაურდება 5,000 ლარის ფარგლებში, ხოლო დანარჩენი თანხა ანაზღაურდება მოქმედი კანონმდებლობით გათვალისწინებული წესით. დამატებითი ინფორმაცია იხილეთ დეპოზიტების დაზღვევის სააგენტოს ვებგვერდზე: www.diagency.ge
- 6.2. რა თანხა ანაზღაურდება სადაზღვევო შემთხვევის დადგომისას სააგენტოს მიერ? – ერთსა და იმავე კომერციულ ბანკში კლიენტის ანგარიშებზე (მათ შორის უცხოური ვალუტით) არსებული თანხები დაჯამდება და დეპოზიტების დაზღვევის სააგენტოს მიერ ანაზღაურებას

¹⁰ ხელშეკრულების მე-5 მუხლი ეთითება თუ დეპოზიტორს სურს დეპოზიტის ავტომატური განახლება დეპოზიტის გახსნისთანავე.

დაექვემდებარება 5,000 ლარამდე თანხა, ხოლო თუ თანხა აღემატება 5,000 ლარს, დანარჩენი თანხა ანაზღაურდება მოქმედი კანონმდებლობით გათვალისწინებული წესით.

- 6.3. როგორ ვისარგებლო დეპოზიტების დაზღვევით? – კომერციულ ბანკში ყველა ფიზიკური პირის ყველა ანგარიშზე არსებული თანხა ავტომატურად დაზღვეულია დამატებითი საზღაურის გარეშე.
- 6.4. კომერციულ ბანკში სადაზღვევო შემთხვევის დადგომისას ანაზღაურების პირობები – სადაზღვევო შემთხვევის დადგომიდან არაუგვიანეს 20 (ოცი) კალენდარული დღე, მიუხედავად იმისა, მოცემულ მომენტში კომერციულ ბანკს გააჩნია თუ არა შესაბამისი სახსრები.
- 6.5. ანაზღაურების ვალუტა – ლარი.

7.

8. სხვა პირობები

- 8.1. ხელშეკრულება ძალაში შედის მხარეთა მიერ მისი ხელმოწერისთანავე.
- 8.2. ხელშეკრულებაში ცვლილებებისა და დამატებების შეტანა შესაძლებელია მხარეთა წერილობითი შეთანხმების საფუძველზე.
- 8.3. მხარეთა შორის წამოჭრილი უთანხმოება გადაწყდება მოლაპარაკების გზით. შეთანხმების მიუღწევლობის შემთხვევაში, დავა განიხილება საქართველოს მოქმედი კანონმდებლობის შესაბამისად.
- 8.4. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

9. მხარეთა რეკვიზიტები და ხელმოწერები

ბანკი

წარმომადგენელი

.....
.....
(სახელი, გვარი)
.....
.....
(მისამართი)
.....
.....
(პირადობის დამადასტურებელი საბუთის სხვა რეკვიზიტები)
ტელეფონი.....
ხელმოწერა

ბანკი

დეპოზიტარი